

+

書



初唐彙詩卷第五十二

四唐彙詩五十二

長安  
振鐸  
詩  
卷  
五  
十二

新都

吳勉學 采輯

江晏如 校次

五言排律

燕遊

宴中山

太宗

驅馬出遼陽萬里轉旂常對敵六奇舉臨戎八  
陣張斬鯨澄碧海卷霧掃扶桑昔去蘭縈翠今  
來桂染芳雲枝浮碎葉冰鏡上朝光回首長安



道方懽宴柏梁

奉和宴中山應制

許敬宗

飛雲旋碧海解網宥青丘養賢停八駿觀風駐  
五牛張樂臨堯野揚麾歷舜州中山獻仙醕趙  
媛發清謳塞門朱鴈入郊藪紫麟遊一舉氛霓  
靜千齡德化流

奉和宴小山池賦得谿字應制

武三思

年光開碧沼雲色斂青谿凍解魚方戲風暄鳥

欲啼巖泉飛野鶴石鏡舞山雞柳發龍鱗出松  
新塵尾齊九韶從此驗三月定應迷

奉和聖製同二相已下羣官樂遊園宴

趙冬曦

爽塏三秦地芳華二月初  
醑承奠璧罷宴是合  
錢餘柳翠垂堪結桃紅卷欲舒  
從容會鵷鷺延  
蔓戲龍魚喜氣流雲物歡聲  
浹里間聖恩將報  
厚請述記言書

又

宋璟



侍飲終醕會承恩續勝遊戴天惟慶幸選地卽  
殊尤北向祗雙闕南臨賞一丘曲江新溜暖上  
苑雜花稠疊疊韶絃屢戔戔賁帛周醉歸填畛  
陌榮耀接軒裘

又

宋璟

五日醕纔畢千年樂未央復承天所錫終宴國  
之陽地勝春逾好恩深樂更張落花飛廣座垂  
柳拂行觴庶尹陪三史諸侯具萬方酒酣同拊  
躍歌舞詠時康

又

崔尚

春日照長安皇恩寵庶官合錢承罷宴賜帛復  
追歡供帳憑高列城池入迴寬花催相國醉鳥  
和樂人彈北闕雲中見南山樹杪看樂遊宜締  
賞舞詠惜將闌

又

王翰

未極人心暢何如帝道明仍嫌醕宴促復寵樂  
遊行陸海披珍藏天河直斗城四闕青靄合數  
處白雲生飪餼調元氣歌鐘溢雅聲空慚堯舜



日至德杳難名

又

胡皓

五醑終宴集三錫又歡娛仙臯崇高異神州眺  
覽殊南山臨皓雪北闕對明珠廣座鵷鴻滿昌  
庭駟馬趨綺羅含草樹絲竹吐郊衢銜杯不能  
罷歌舞樂唐虞

奉和御製左丞相說右丞相璟太子少  
傅乾曜同日上官命宴都堂賜詩

蕭嵩

審官思共理多士屬惟唐歷選台庭舊來熙帝  
業昌入朝師百辟論道協三光垂拱咨元老親  
賢輔少陽登庸崇禮送寵德耀宸章御酒飛觴  
洽仙闈雅樂長荷恩思有報陳力愧無良願罄  
公忠節同心奉我皇

又

宋璟

承相邦之重非賢諒不居老臣慵且憊何德以  
當諸厚秩先爲忝崇班復此除太常陳禮樂中  
掖降簪裾聖酒山河潤仙文象緯舒冒恩懷寵



錫陳力省空虛郭隗慙無駿馮諼愧有魚不知  
周勃者榮幸定何如

又

源乾曜

睿作超千古湛恩育萬人  
遞遷俱荷澤同拜忽  
為隣道合徽音暢芳馳景命新  
鼓鐘崇享禮鷓鷯集朝倫竊位思  
官訪凋容謝木春慙多無以  
敘拙備實難陳進綬懷三少承光  
盡百身自當歸第日何幸列官臣

又

張說

大塊鎔羣品經生偶聖時  
猥承三仕命虛忝百僚師  
右揆謀華碩前星傳重資  
連騫求舊禮濫典樂賢詩  
賜釜同榮拜縱金宴宰司  
菊花吹御酒蘭葉捧天詞  
寶歷休明盛頽年晷漏衰  
少留青史筆未敢赤松期

又

宇文融

申甫生周日宣慈舉舜年  
何如偶昌運比德邁前賢  
寵獲元良密榮瞻端揆遷  
職優三事老位在百僚先  
北極迴宸渥南宮飾御筵  
飛文瑤札



降賜酒玉杯傳謬列台衡重俱承雨露偏誓將  
同協力相與效塵涓

又

裴光庭

樂賢聞往誥褒德偶茲宸端揆升元老師謀擇  
累仁紫庭崇讓畢粉署禮容陳旣荷恩榮舊俱  
承寵命新天文懸瑞色聖酒泛華茵雜遝喧簫  
鼓歡娛洽縉紳掖垣招近侍虛薄側清塵共保  
堅貝節常期雨露均

奉和聖製花萼樓下宴應制 張說

萬心翹樂宴三舍緩昌時山接下雲險臺留春  
日遲節秀芳未歇興隔賞仍追醉後傳嘉惠樓  
前舞聖慈皇恩與時合天意若人期故發前旬  
雨新垂湛露詩

奉和聖製千秋節應制 張說

五德生王者于齡啓聖人赤光來照夜黃雲上  
覆晨海縣銜恩久朝章獻壽新高居帝座出夾  
道衆官陳梨杖洗清景磬管凝秋旻珠囊含瑞  
露金鏡抱仙輪何歲無鄉飲何田不報神薰歌



與名節傳代幸羣臣

奉和天樞成宴夷夏羣寮應制

李嶠

轍迹光西嶠勳庸紀北燕何如萬方會頌德九  
門前灼灼臨黃道迢迢入紫煙仙盤正下露高  
柱欲承天山類叢雲起珠疑大火懸聲流塵作  
劫業固海成田帝澤傾堯酒宸歌掩舜絃欣逢

下生日還觀上皇年

宸歌掩一作薰風入

奉和幸上陽宮侍宴應制  
宗楚客

紫庭金鳳闕丹禁玉雞川似立蓬瀛上疑遊崑  
閭前鳥將歌合轉花共錦爭鮮湛露飛堯酒薰  
風入舜絃水光搖落日樹色帶晴煙向夕廻凋  
輦佳氣滿巖泉

奉和幸韋嗣立山莊侍宴應制

李嶠

南洛師臣契東巖王佐居幽情遺綬冕宸眷屬  
樵漁制下峒山蹕恩廻灞水輿松門駐旗蓋薛  
幄引簪裾石磴平黃陸煙樓半紫虛雲霞仙路



近琴酒俗塵跡喬木千齡外懸泉百丈餘崖深  
經練藥穴古舊藏書樹宿搏風鳥池潛縱壑魚  
寧知天子貴尚憶武侯廬

又

紀事英華作  
徐彥伯詩

沈佺期

鼎臣休澣隙方外結遐心別業青霞境孤潭碧  
樹林每遷東墅策遙弄北谿琴帝眷行時豫台  
園賞歲陰移鑿明月沼張樂白雲岑御席遙觥  
落仙壇竹徑深三光懸聖藻五等冠朝簪自愧  
承恩盛咸言獨在今

又

紀事作沈  
佺期詩

李乂

台階好赤松別業對青峰茅室承三顧花源接  
九重龍旂縈秀木鳳輦拂疎筇徑狹千官擁谿  
長萬騎容水塘開禹膳山閣獻堯鐘皇鑒清居  
遠天文睿獎濃巖泉他日夢漁釣往年逢共榮  
丞相府偏降逸人封

又

宋之問

樞夜調梅暇林園藝槿初入朝榮劍履退食偶  
琴書地隱東巖室天迴北斗軍旌門臨窅窳輦



道屬扶疎雲罕明丹壑霜笳徹紫虛水疑投石  
處谿似釣璜餘帝澤頒卮酒人歡頌里閭一承  
黃竹詠長奉白茅居

又

崔湜

丞相登前府尚書啟舊林式閭明主睿榮族聖  
嬪心川狹旌門抵巖高蔽帳臨閑牕憑柳暗小  
徑入松深雲卷千峰色泉和萬籟吟蘭迎天女  
珮竹礙侍臣簪宸翰三光燭朝榮四海欽還嗟  
絕機叟白首漢川陰

又

武平一

三光迴斗極萬騎蕭鈎陳地若遊汾水畋疑歷  
渭濱圓塘冰寫鏡遙樹露成春絃奏魚聽曲機  
忘鳥狎人築巖思感夢磻石想垂綸落景搖紅  
壁層陰結翠筠素風紛可尚玄澤藹無垠薄暮  
清笳動天文煥紫宸

又

劉憲

東山有謝安枉道降鳴鑿緹騎分初日霓旌度  
曉寒雲蹕巖間下虹橋澗底盤幽棲俄以屈聖



矚宛餘歡崖懸飛溜直岸轉綠潭寬桂華堯酒  
泛松響舜琴彈明主恩斯極賢臣節更殫不才  
叨侍從詠

又

趙彥昭

賢族唯題里儒門但署鄉何如表巖洞宸翰發  
輝光地在茲山曲家臨郤水陽六龍駐旌罕四  
牡耀旂常北斗臨台座東山入廟堂天高羽翼  
近主聖股肱良野竹池亭氣村花澗谷香縱然  
懷豹隱空愧躡鷓行

又

蘇頌

縱金寒野霽步玉曉山幽帝握期松子臣廬訪  
葛侯百工徵徃夢七聖扈來遊斗柄乘時轉台  
階捧日留樹重巖籟合泉迸水光浮石徑喧朝  
履璜谿擁釣舟恩如犯星夜歡擬濟河秋不學  
堯年隱空令傲許由

扈從幸韋嗣立山莊應制

并序

張說

嵐氣入野榛煙出谷魚潭竹岸松齋藥畹虹



泉電射雲木虛吟恍惚疑夢間關忘術茲所  
謂丘壑夔龍衣冠巢許也

寒灰飛玉琯湯井駐金輿既得方明相還尋大  
隗居懸泉珠貫下列帳錦屏舒騎遠林逾密笳  
繁谷自虛門旗塹複磴殿幕裏通渠舞鳳迎公  
主雕龍賦婕妤地幽天賞洽酒樂御筵初菲才  
叨侍從連藻媿應徐

三月二十日詔宴樂游園賦得風字

張說

樂遊形勝地表裏望郊宮北闕連天頂南山對  
掌中皇恩貸芳月旬宴美成功魚戲芙蓉水鶯  
啼楊柳風春光看欲暮天澤戀無窮長袖招斜  
日留光待曲終

恩賜樂游園宴

張說

漢苑佳遊地軒庭近侍臣共持榮幸日來賞艷  
陽春饌玉頌王篚撻金下帝鈞池臺草色徧宮  
觀柳條新花綬光連榻朱顏暢飲醇聖朝多樂  
事天意每隨人



赴集賢院學士上賜宴應制得輝字

張說

侍帝金華講千齡道固稀位將賢士設書共學  
徒歸首命深燕隗通經淺漢韋列筵榮賜食送  
客愧儒衣賀燕窺簷下遷鶯入殿飛欲知朝野  
慶文教日光輝

恩制尚書省寮宴昆明池

同得堯字

蘇頲

露渥灑雲霄天官次斗杓昆明四十里空水極

晴朝鴈似銜紅葉鯨疑噴海潮翠山來徹底白  
日去迴標泳廣漁杖溢浮深妓舫搖飽恩皆醉  
止合舞廿歌堯

恩敕尚書省寮宴昆明池應制

同用堯字

張加貞

靈沼初開漢神池舊浴堯昔人徒習武明代此  
聞韶地脉山川勝天恩雨露饒時光牽利舸春  
淑覆柔條芳醞醒千日華牋落九霄幸承歡賚  
重不覺醉歸遙



奉和恩賜樂遊園宴應制 蘇頲

樂遊光地選醕飲慶天從座密千官盛場開百  
戲容綠塍際山盡緹幕倚雲重上下花齊發周  
迴柳遍濃奪晴紛劍履喧聽雜歌鐘日晚銜恩  
散堯人併可封

恩賜樂遊園宴應制 張九齡

寶筵延厚命供帳序羣公形勝宜春接威儀建  
禮同晞陽人似露解愠物從風朝慶千齡始年  
華二月中輝光遍草木和氣發絲桐歲歲無為

化寧知樂九功

凝碧池侍宴看競渡應制 李懷遠

上苑清鑿路高居重豫遊前對芙蓉沼傍臨杜  
若洲地如玄扈望波似庭洞秋列筵飛翠竿分  
曹戲鷁舟湍高棹影沒岸近榜歌道舞曲依鸞  
殿簫聲下鳳樓忽聞天上樂疑逐海查流

白蓮花亭侍宴應制 沈佺期

九月陪天伏三秋幸禁林霜威變綠樹雲氣落  
青岑水殿黃花合山亭絳葉深朱旗夾小徑寶



永唐集言 卷五十二  
馬駐清潯苑吏收寒果饗人膳野禽承歡不覺  
暝遙響素秋砧

仙萼池亭侍宴應制

沈佺期

步輦尋丹嶂行宮在翠微川長看鳥滅谷轉聽  
猿稀天磴扶階迥雲泉透戶飛閑花開石竹幽  
葉吐薔薇徑狹難留騎亭寒欲進衣白龜來獻  
壽仙吹返彤闈

昆明池侍宴應制

沈佺期

武帝伐昆明穿池習五兵水同河漢在館有豫

童名我后光天德垂衣文教成黷兵非帝念勞  
物豈皇情春仗過鯨沼雲旗出鳳城靈魚銜寶  
躍仙女廢機迎柳拂旌門暗蘭依帳殿生還如  
流水曲日晚棹歌聲

侍宴莎冊宮應制得情字 許敬宗

三星希曙景萬騎翊天行葆羽翻風隊騰吹掩  
山楹暖日晨光淺飛煙旦彩輕塞寒桃變色水  
斷箭流聲漸奏長安道神臯動睿情  
春晚侍宴麗正殿探得開字 張說



聖政惟稽古賓門引上才坊因購書立殿爲集  
賢開髦彥星辰下僊章日月迴字如龍負出韻  
是鳳銜來庭鳥餘春駐宮櫻早下催喜承芸閣  
宴幸奉柏梁杯

端午三殿侍宴應制探得魚字

張說

小暑夏絃應徽音商管初願齋長命縷來續大  
恩餘三殿褰珠箔羣官上玉除助陽嘗麥薺順  
節進龜魚甘露垂天酒芝花捧御書合丹同蠆

螟灰骨共蟾蜍今日傷虵意銜珠遂闕如

東都酺宴

張說

堯舜傳天下同心致太平吾君內舉聖遠合至  
公情錫命承丕業崇親享大名二天資廣運兩  
曜益齊明道暢昆蟲樂恩深朽蠹榮皇輿久西  
幸留鎮在東京合宴千官入分曹百戲呈樂來  
嫌景遽酒著訝寒輕喜氣連雲閣歡呼動洛城  
人間知幾代今日見河清

奉和聖製春中興慶宮酺宴應制



張說

千齡逢啓聖萬域共來威慶接郊禋後醑承農  
事稀御樓橫廣路天樂下重闈鸞鳳調歌曲虹  
霓動舞衣合聲雲上聚連步月中歸物覩恩無  
外神和道日微鎬京陪樂飲柏殿奉文飛徒竭  
秋雲影何資春日暉

奉和聖製南郊禮畢醑宴 張九齡

配天昭聖業率土慶輝光春發三條路醑開百  
戲場流恩均庶品縱觀聚康莊妙舞來平樂新

聲出建章分曹日抱戴赴節鳳歸昌幸奏承雲  
樂同晞湛露陽氣和皆有感澤厚自無疆飽德  
君臣醉連歌奉柏梁

奉和聖製登封禮畢洛城醑宴

張九齡

大君畢能事端展樂成功運與千齡合歡將萬  
國同漢醑歌聖酒韶樂舞薰風河洛榮光遍雲  
煙喜氣通春華頓覺早天澤倍知崇草木皆沾  
被猶言不在躬



安德山池宴集

楊師道封安德公

岑文本

甲第多清賞芳辰命羽卮書帷通竹徑琴臺枕  
槿籬池疑夜壑徒山似鬱洲移雕楹網羅薜激  
瀨合埵篔簹鳥戲番新葉魚躍動清漪自得淹留  
起寧勞攀桂枝

又

李百藥

朝宰論思暇高宴臨方塘雲飛鳳臺管風動令  
君香細草開金埒流霞泛羽觴虹橋分水態鏡  
石引菱光上才同振藻小伎謬連章懷音自蘭

室徐步返山莊

又

許敬宗

戚里歡娛地園林矚望新山庭帶芳杜歌吹叶  
陽春臺榭疑巫峽荷渠似洛濱風花縈少女虹  
梁聚美人宴遊窮至樂談笑畢良辰獨歎高陽  
晚歸路不知津

又

褚遂良

伏櫪丹霞外遮園煥景舒行雲泛層阜蔽月下  
清渠亭中奏趙瑟席上舞燕裾花狎春鶯晚風



光夏葉初良朋比蘭蕙雕藻邁瓊琚獨有狂歌  
客來承歡宴餘

又

楊續

狹斜通鳳闕上路抵青樓簪紱啟賓館軒蓋臨  
御溝西城多妙舞主第出名謳列峰疑宿霧疏  
壑擬藏舟花蝶亂風影蘋藻含春流酒闌高宴  
畢自反山之幽

又

劉埴

平陽擅歌舞金谷盛招攜何如兼往烈會賞叶

幽栖已均朝野致還欣物我齊春晚花芳落蘭  
深逕漸迷蒲新節尚短荷小蓋猶低無勞拂長  
袖直待夜鳥啼

又

上官儀

上路抵平津後堂羅薦陳締交開落賞麗席展  
芳辰密樹風煙積迴塘荷芰新雨霽虹橋晚花  
落鳳臺春翠釵低舞席文杏散歌塵方惜流觴  
滿夕鳥已城闈

宴安樂公主宅

得空字

宋之問



英藩築外館愛主出王宮賓至星槎落仙來月  
宇空玳梁翻賀燕金埒倚晴虹簫去秦臺裏書  
開魯壁中短歌能駐日艷舞欲嬌風聞有淹留  
處山阿滿桂叢

夜集張諲所居

劉希夷

江南成久客門館日蕭條惟有圖書在多傷鬢  
髮凋諸生陪講誦稚子給漁樵隱室寒燈淨空  
階落葉飄滄洲自有趣誰道隱須招

三月曲水宴

得煙字

王勃

彭澤官初去河陽賦始傳田園歸舊國詩酒間  
長筵列室窺丹洞分樓瞰紫煙縈迴巨津渡出  
沒控郊鄠鳳琴調上客龍轡儼羣仙松石偏宜  
古藤蘿不記年重簷交密樹複磴擁危泉抗石  
晞南嶺乘沙眇北川傳巖來築處磻溪入釣前  
日斜真趣遠幽思夢涼蟬

于長史山池三日曲水宴

陳子昂

摘蘭藉芳月被宴坐迴汀汎灑清流滿葳蕤白  
芷生金絃揮趙瑟玉柱弄秦箏巖榭風光媚郊



園春樹平煙花飛御道羅綺照昆明日落紅塵  
合車馬亂縱橫

秋日遇荊州府崔兵曹使宴

并序

陳子昂

若夫尊卑位隔榮賤途分使卿士大夫倚軒  
棠而傲物山棲木食負林壑而驕人未有能  
屈富貴於沈冥雜薜蘿於簪笏天人坐契相  
從雲霧之遊風雨不疲高縱琴樽之賞崔兵  
曹紫庭公胄青雲貴人以鐘鼎不足以致奇

才煙霞可以交名士皇華昭國懷鳳縵而高  
尋白桂追遊邀鬼且而下顧大矣哉生平未  
識一見而交道遂存此日披懷千載之風期  
坐合支道林之雅論妙理沈微崔子玉之雄  
才斯文未喪属乎金龍掌氣石鴈驚秋天沈  
寥而煙日無光野寂莫而山川變色芸其黃  
矣悲白露於蒼葭木葉落兮慘紅霜於綠野  
爾其高興洽芳酒闌頓義和而不留顧華堂  
而欲晚長歌何託思傳稽古之文爰命小人



率記當時之事人探一字六韻成篇

輜軒鳳皇使林藪鷓雞冠江湖一相許雲霧坐

交歡興盡崔亭伯言忘釋道安林光稍欲暮歲

物已將闌古樹蒼煙斷虛庭白露寒瑤琴山水

曲今日為君彈

同李舍人冬日集安樂公主山池

沈佺期

常聞天女貴家即帝宮連亭插宜春果山衝太

液泉橋低烏鵲夜臺起鳳凰年故事猶如此新

圖更可憐紫巖妝閣透青嶂妓樓懸峰奪香鑪

巧池偷明鏡圓梅花寒待雪桂葉晚留煙興盡

方投轄金聲還復傳

宴梓州南亭

得池字

盧照隣

二條開勝跡大隱叶冲規亭閣分危岫樓臺遶

曲池長薄秋煙起飛梁古蔓垂水鳥翻荷葉山

蟲咬桂枝遊人惜將晚公子愛忘疲願得迴三

舍琴樽長若期

同劉給事城南宴集

英華作宋之問詩



水竹幽閑地簪纓近侍臣雍容乘暇日瀟灑出  
鬻塵樹對思朋鳥池深入養鱗管絃高逐吹歌  
舞妙含春老子叨專席歡邀隔縉紳此中情不  
淺遙寄賞心人

岳州九日宴道觀西閣

張說

遙落長年嘆蹉跎遠宦心北風嘶代馬南浦宿  
陽禽佳此黃花酌酣餘白首吟涼雲霾楚望濛  
雨蔽荆岑登眺思清景誰將眷濁陰釣歌出江

霧樵唱入山林魚以嘉名采木爲美材侵大道  
由中悟逍遙匪外尋參佐多君子詞華妙賞音  
留題洞庭觀望古意何深

岳州宴姚紹之

并序

張說

姚司馬往在栢臺每欽骨鯁及茲荒服偶得  
官聯復有令弟美胤芬芳襲予山寺外廬幽  
深形勝童冠是集歡言賦詩

杞梓滯江濱光華向日新難兄金作友媚子玉  
爲人山水含秋興池亭借善鄰簷松風送靜院



竹鳥來馴翠竿吹黃菊瑤盤繪紫鱗緩歌將醉  
舞爲拂繡衣塵

洛城觀酺應制

陳子昂

聖人信恭已天命允昭回蒼極神功被青雲秘  
籙開垂衣受金冊張樂宴瑤臺雲鳳休徵滿魚  
龍雜戲來崇恩踰五日惠澤暢三才玉帛羣臣  
醉徽章縟禮該方覩升中禪言觀拜洛廻微臣  
固多幸敢上萬年杯

初唐彙詩卷第五十二

四唐彙詩五十二

初唐彙詩卷第五十三

四唐彙詩五十三

新都 吳勉學 采輯

江晏如 校次

五言排律

燕遊

戴叔倫上幸皇太子新院應制

盧僎

佳氣曉葱葱乾行入震宮前星迎北極少海被  
南風視膳銅樓下吹笙玉座中訓深家以正義  
舉俗爲公父子成釗合君臣禹啓同仰天歌聖



道猶愧乏雕蟲

奉和聖製暇日與兄弟同遊興慶宮作

應制

張說

漢武橫汾日周王宴鎬年何如造區夏復此睦  
親賢巢鳳新成閣飛龍舊躍泉棣華歌尚在桐  
葉戲仍傳禁籞氛埃隔平臺景物連聖慈良有  
裕王道固無偏問俗兆人阜觀風五教宣獻圖  
開益地張樂奏鈞天侍酒衢樽滿詢芻諫鼓懸  
永言形友愛萬國共周旋

奉和聖製幸鳳陽泉應制

張說

周狩聞岐禮秦都辨雍名獻禽天子孝存老聖  
皇情溫潤宜冬幸遊畋樂歲成湯雲出水殿暖  
氣入山營坎意無私潔乾心稱物平帝歌流樂  
府谿谷也增榮

奉和幸新豐溫泉宮應制

武平一

秦王登碣石周后襲崑崙何必在遐遠方稱萬  
寓尊我皇順時豫星駕動軒轅雄戟交馳道清  
笳度國門迴輿長樂觀校獵上林園行漏移三



象連營總八屯旌搖鸚鵡谷騎轉鳳皇原絕壁  
蒼苔古靈泉碧溜温參差開水殿窈窕敞巖軒  
豐邑模猶在驪宮迹尚存煙松銜翠幄雪逕遶  
花源侍從推玄草文章召虎賁深仁浹夷夏洪  
造溢乾坤謬忝王枚列多慚雨露恩

又

徐彥伯

姬典歌時邁虞編記省方如何黑帝月玄覽白  
雲鄉翠仗縈船岸明旆應蒼陽風搖花暎彩雪  
豔寶戈芒御陌開函次離宮夾樹行桂枝籠驪

裹松葉覆堂皇仙石含珠液温池孕璧房湧疑  
神瀆溢澄若帝臺漿獨沸流常熱潛蒸氣轉香  
青壇環玉甃紅礎鑠金光藻曜凝芳潔歲蕤獻  
淑祥五龍歸寶筭九鴈叶時康同預華封老中  
衢祝聖皇

奉和春日遊龍門應制

武三思

鳳駕臨香地龍輿上翠微星宮含雨氣月殿抱  
春輝碧澗長虹下雕梁早燕歸雲疑浮寶蓋石  
似拂天衣露草侵堦長風花遶席飛日斜宸賞



浴清吹入重闈

奉和過梁王宅卽目應制武三思

巖居多水石野宅滿風煙本謂開三徑俄欣降  
九天穿林移步輦拂岸轉行旃鳳竹初垂籜龜  
河未吐蓮願持山作壽恒用劫爲年

奉和幸神臯亭應制宋之問

清蹕喧黃道乘輿降紫宸霜戈凝曉日雲管發  
陽春臺古今疑漢林餘半識秦宴酣詩布澤節  
改令行仁昔恃山河險今依道德淳多慚獻嘉

頌空累屬車塵

奉和聖製至長春宮登樓觀稼穡之作

蘇頌

帝迹奚其遠皇符之所崇敬時堯務作盡力禹  
稱功赫赫惟元后經營自左馮變蕪杭稻實流  
惡水泉通國阜猶有豹人疲詎昔熊黃圖巡沃  
野清吹入離宮是閱京坻富仍觀都邑雄憑軒  
一何綺積溜寫晴空禮節家安外和平俗在中  
見龍垂渭北辭鴈指河東睿思方居鎬宸遊若



飲豐寧誇子雲從祗爲獵扶風  
一試奉和晦日駕幸昆明池應制沈佺期  
法駕乘春轉神池象漢迴雙星移舊石孤月隱  
殘灰戰鷓逢時去恩魚望幸來岸花緹騎遶堤  
柳慢城開思逸橫汾唱歡流宴鎬杯微臣彫朽  
質羞觀豫章材

又

李义

玉輅尋春賞金堤重晦遊川通黑水浸地派紫  
泉流晃朗扶桑出縣聯杞樹周鳥疑填海處人

似隔河秋劫盡灰猶識年移石故留汀洲歸棹  
晚簫鼓雜汾謳

又

宋之問

春豫靈池會滄波帳殿開舟凌石鯨度槎拂斗  
牛迴節晦奠全落春遲柳暗催象溟看浴景燒  
劫辨沈灰鎬飲周文樂汾歌漢武才不愁明月  
盡自有夜珠來

又

蘇頌

炎曆事邊陲昆明始鑿池豫遊光後聖征戰罷



前規霽色清珍宇年芳入錦波御杯蘭薦葉仙  
仗柳交枝二石分河瀉雙珠代月移微臣比翔  
泳恩廣自無涯

謁并州興國寺

太宗

迴鑿遊福地極目翫芳晨梵鍾交二響法日轉  
雙輪寶刹遙承露天花近足春未佩蘭猶小無  
絲柳尚新圓光低月殿碎影亂風筠對此留餘  
想超然離俗塵

薦福寺應制

宋之問

梵筵光聖邸遊豫覽宏規不改靈光殿因開功  
德池蓮生新步葉桂長昔攀枝湧塔庭中見飛  
樓海上移聞韶三月幸觀象七星危欲識龍歸  
處朝朝雲氣隨

奉和幸大薦福寺應制

李嶠

鴈沼開香域鸚林降綵旃還窺圖鳳宇更坐濯  
龍川桂輦朝羣辟蘭宮列四禪半空銀閣斷分  
砌寶繩連甘雨蘇焦澤慈雲動沛篇獨慙賢作  
礪空喜福成田



又

李义

象設隆新宇龍潛想舊居碧樓披玉額丹仗導  
金輿代日興光近周星掩曜初空歌清沛筑梵  
樂美河書帝造環三界天文賁六虛康哉孝理  
日崇德在真如

又

宋之問

香刹中天起宸遊蒲路輝乘龍太子去駕象法  
王歸殿飾金人影牕搖玉女扉稍迷新草木遍  
識舊庭闢水入禪心定雲從寶思飛欲知皇劫

遠初拂六銖衣

又

鄭愔

舊邸三乘闢佳辰萬騎留蘭圖奉葉偁芝蓋拂  
花樓國會人王法宮還天帝遊紫雲成寶界白  
水作禪流鴈塔昌基遠鸚林瘠藻抽欣承大風  
曲竊預小童謳

又

劉憲

地靈傳景福天駕儼鈎陳佳哉藩邸舊赫矣梵  
宮新香塔魚山下禪堂鴈水濱珠幡映白日鏡



殿寫青春甚歡延故吏大覺拯生人幸承歌頌  
末長奉屬車塵

又

趙彥昭

寶地龍飛後金身佛現時千花開國界萬善累  
皇基北闕承行幸西園屬住持天衣拂舊石王  
舍起新祠刹鳳迎瑠輦幡虹駐綵旗同沾小雨  
潤竊仰大風詩

奉和幸三會寺應制

李嶠

故臺蒼頡里新邑紫泉居歲在開金寺時來降  
玉輿龍形雖起刹鳥跡尚留書竹是蒸青外池  
仍點墨餘天文光聖草寶思合具如謬奉千齡  
日欣陪十地初

又

李义

睿德總無邊神臯擇勝緣二儀齊法駕三會禮  
香筵漢闕中黃近秦山太白連臺疑觀鳥日池  
似刻鯨年滿月臨真境秋風入御絃小臣叨下  
列持管謬窺天



又

宋之問

六飛迴玉輦雙樹謁金仙  
瑞鳥呈書字神龍吐  
浴泉淨心遙証果睿想獨超禪  
塔湧香花地山圍日月天  
梵音迎漏徹空樂倚雲懸  
今日登仁壽長看法鏡圓

又

鄭愔

鳥籀遺新閣龍旂訪古臺  
造書臣頡往觀跡帝  
羲來睿覽山川匝宸心  
宇宙該梵音隨駐輦天  
步接乘杯舊苑經寒露  
殘池問劫灰散日將捧

日俱喜聖慈開

又

劉憲

岩堯倉史臺敞朗紺園開  
戒旦壺人集翻霜羽  
騎來下輦登三襲  
褰旒望九垓林披館陶  
榜水浸昆明灰網戶  
飛花綴幡竿度鳥迴  
豫遊仙唱動瀟灑出塵埃

又

上官昭容

釋子談經處軒臣刻字留  
故臺遺老識殘簡聖  
皇求駐驂懷千古開襟  
望九州四山緣塞合二



水夾城流宸翰陪瞻仰天杯接獻酬太平詞藻  
盛長願紀鴻休

奉和幸長安故城未央宮應制官

李嶠

舊宮賢相築新苑聖君來運改城隍變年深棟  
宇摧後池無復水前殿久成灰莫辯祈風觀空  
傳承露杯宸心千載合睿律九韶開今日聯章  
處猶疑上栢臺

又

李乂

鳳輦乘春陌龍山訪故臺北宮纔盡處南斗獨  
昭回肆覽非宸札稱觴引御杯已觀蓬海變誰  
厭柏梁災代挹孫通禮朝稱賈誼才忝儕文雅  
地先後各時來

又

宋之問

漢王未息戰蕭相乃營宮壯麗一朝盡威靈千  
載空皇明悵前跡置酒宴羣公寒輕綵仗外春  
發幔城中樂思迴斜日歌詞繼大風今朝天子  
貴不假叔孫通



又

劉憲

漢宮千祀外軒駕一來遊夷蕩長如此威靈不復留憑高睿賞發懷古聖情周塞向南山歛春過北渭浮土功昔云盛人英今所求幸聽薰風曲方知霸道羞

又

趙彥昭

夙駕移天蹕憑軒覽漢都寒煙收紫禁春色繞黃圖舊史遺陳迹前王失霸符山河寸土盡宮觀尺椽無崇高惟在德壯麗豈為謨茨室留皇

鑒薰歌盛有虞

奉和聖制幸禮部尚書竇希玠宅

北闕垂旒暇南宮聽禮迴天臨翔鳳轉恩向躍龍開蘭氣承仙帳榴花引御杯水從金穴吐雲是玉衣來池影搖歌席林香散舞臺不知行漏晚清蹕尚徘徊

又

李义

家住千門側亭臨二水傍貴遊開北地宸眷幸



西鄉曳履迎中谷鳴絲出後堂浦疑觀萬象峰  
似駐三光草向瓊筵樂花承繡展香聖情思舊  
重留飲賦雕章

吳王公又  
劉憲

北斗樞機任西京肺腑親疇昔王門下今茲御  
幸辰恩光山水被聖作管絃新遶坐薰紅藥當  
軒暗綠筠摘荷纔早夏聽鳥尚餘春行漏今徒  
晚風煙起觀津

蘇頌

尚書列侯第外戚近臣家飛棟臨青綺迴輿轉  
翠華日交當戶樹泉漾滿池花圓頂圖嵩石方  
流擁魏沙豫遊今聽履侍從昔鳴笳自有天文  
降無勞訪海槎  
照燈  
扈從溫泉同紫微黃門羣公汎渭川  
虹旗映綠萸春仗漢豐西侍蹕浮清渭揚舲降  
紫泥近臨釣石地遙指釣璜谿岸轉帆飛疾川  
平棹舉齊傳舟來是用軒馭往應迷與闕菱歌

蘇頌



動沙洲亂夕鷺

奉和杜貞外扈從教閱

杪冬嚴殺氣窮紀送頽光薄狩三農隙大閱五

戎場萊田初起燒蘭野正開防夾岍虹旗轉分

朋獸罟張燕弧帶曉月吳劍動秋霜原啟前禽

路山縈後騎行雲區墜日羽星苑斃天狼禮振

軍容肅威宣武節揚神心體殷祝靈兆叶姬祥

幸陪仙駕末欣採翰林芳

尚書侯奉和李令扈從溫泉宮賜遊驪山常侍

郎別業

盧僎

風后軒皇佐雲峰謝客居承恩來翠嶺締賞出

丹除飛蓋松谿寂清笳玉洞虛窺巖詳霧豹過

水畧泉魚鄉人無何有時還上古初伊臯羞過

狹魏丙服麤踈白雪綠情降青霞落卷舒多慙

郎署在輒繼國風餘







見白髮重相催

登越州城

孫逖

越嶂繞層城登臨萬象清  
封圻滄海合鄞市碧湖明  
曉日漁歌滿芳春棹唱行  
山風吹美箭田雨潤香杭  
代閱英靈盡人間吏隱并  
贈言王逸少已見曲池平

登襄陽恨峴山

張九齡

昔年亟攀踐征馬復來過  
信若山川舊誰如歲月何  
蜀相吟安在羊公碣已磨  
今圖猶寂寞嘉

會亦蹉跎宛宛樊城岸  
悠悠漢水波透迤春日  
遠感寄客情多地本原  
林秀朝來煙景和同心  
不同賞留歎此巖阿

登城樓望西山作

張九齡

城樓枕南浦日夕顧西山  
宛宛鸞鶴處高高煙霧間  
仙井今猶在洪崖久不還  
金編莫我授羽駕亦難攀  
簷際千峰出雲中一鳥閒  
縱觀窮水國游思徧人寰  
勿復塵埃事歸來且閉關

候使登石頭驛樓作

張九齡



山檻憑高望川途眇北流遠林天翠合前浦日  
華浮萬井緣津渚千艘咽渡頭漁商多未事耕  
稼少良疇自守陳蕃榻嘗登王粲樓徒然騁目  
處豈是獲心遊向跡雖愚谷求名異盜丘息陰  
芳木所空復越鄉憂

登臨沮樓

張九齡

高深不可厭巡屬復來過本與衆山絕况茲韶  
景和危樓入水倒飛檻向空摩雜樹緣青壁樛  
枝掛綠蘿潭清能徹底魚樂好跳波有象言雖  
具無端思轉多同懷不在此孤賞欲如何

登荊州城樓

張九齡

天宇何其曠江城坐自拘層樓百餘尺迢遞在  
西隅暇日時登眺荒郊臨故都纍纍見陳迹寂  
寂想雄圖古往山川在今來郡邑殊北疆雖入  
鄭東距豈防吳幾代傳荆國當時敵陝郛上流  
空有處中土復何虞枕席夷三峽關梁豁五湖  
承平無異境守隘莫論夫自罷金門籍來參竹  
使符端居向林藪微尚在桑榆直似王陵戇非



如甯武愚今茲對南浦來鴈與雙鳧

登總持寺閣

崔湜

宿雨清龍界晨暉滿鳳城昇攀重閣迴憑覽四  
郊明井邑周秦地山河今古情紆餘一水合寥  
落五陵平處處風煙起欣欣草木榮故人不可  
見冠蓋滿東京

又

張九齡

香閣起崔嵬高高沙版開攀躋千仞上紛詭萬  
形來草間商君陌雲重漢后臺山從函谷斷川

向斗城迴林裏春容變天邊客思催登臨信爲  
美懷遠獨悠哉

使過襄陽登鳳林寺閣

宋之問

香閣臨清漢丹梯隱翠微林篁天際密人世谷  
中遠苔石銜仙洞蓮舟泊釣磯山雲浮棟起江  
雨入庭飛信美雖南國嚴陳限北歸幽尋不可  
再留步惜芳菲

靈隱寺

宋之問

鷲嶺鬱岩峩龍宮鎖寂寥樓觀滄海日門對浙



江湖桂子月中落天香雲外飄  
捫蘿登塔遠剝木取泉遙  
霜薄花更發水輕葉互凋  
夙齡尚遐異搜對滌煩囂  
待入天台路看余度石橋

遊雲門寺

宋之問

維舟揆靜域作禮事尊經  
投跡一簫散爲心自杳冥  
龕依大禹穴樓倚少微星  
杳嶂圍蘭若迴谿抱竹庭  
覺花塗砌白甘露洗山青  
鴈塔騫金地虹橋轉翠屏  
人天宮現景神鬼晝潛形  
理勝常虛寂緣空自感靈  
入禪從鶴繞說法有龍聽

劫累終期滅塵躬且未寧  
搖搖不安寐待月詠巖扃

遊法華寺

宋之問

高岫擬耆闍真乘引妙車  
空中結樓殿意表出雲霞  
後果纏三足前因感六牙  
宴林薰寶樹水溜滴金沙  
寒谷梅猶淺溫庭橘未華  
臺香紅藥亂塔影綠篁遮  
果漸輪王族緣超梵帝家  
晨行踏忍草夜誦得靈花  
江郡將何匹天都亦未加  
朝來沿汎所應是逐仙槎



遊稱心寺

宋之問

釋事懷三隱清襟謁四禪  
江鳴潮未落林曉日  
初懸寶葉交香雨金沙吐細泉  
望諸舟客趣思  
發海人煙顧櫪仍留馬乘杯久棄船  
未憂龜負  
岳且識鳥耘田理契都無象  
心冥不寄筌安期  
庶可揖天地得齊年

和崔司馬登稱心山寺

孫逖

郡府乘休日王城訪道初  
覺花迎步履香草藉  
行車倚閣觀無際  
尋山坐太虛巖空迷禹跡海

靜望秦餘翡翠巢珠網  
鷓鴣間綺踈地靈資淨  
土水若護真如寶樹誰攀折  
禪雲自卷舒晴分  
五湖勢煙合九夷居  
生滅紛無象窺臨已得魚  
嘗聞寶刀贈今日奉瓊琚

清遠江峽山寺

張說

流落經荒外逍遙此梵宮  
雲峰吐日月石壁淡  
煙虹寶塔靈仙湧懸龕造化功  
天香涵竹氣虛  
唄引松風簷牖飛花入廊房  
激水通猿鳴知谷  
靜魚戲辨江空靜默將何貴  
所貴心境同



和王記室從趙王春日遊陀山寺

駱賓王

鳥旛陪訪道鷲嶺狎樓真四禪明靜業三空廣  
勝因祥河踈疊澗慧日皎重輪葉暗龍宮密花  
明鹿苑春雕談筌奧旨妙辯激玄津雅曲終難  
和徒自奏巴人

慈恩寺二月半寓言

蘇頌

二月韶春半三空霽景初獻來應有受滅盡竟  
無餘化迹傳官寺歸誠謁梵居殿堂花覆席觀

閣柳垂疏共命枝間鳥長生水上魚問津窺彼  
岍迷路得真車行密幽關靜談精俗態祛稻麻  
欣所遇蓬籜愴焉如不駐秦京陌還題蜀郡輿  
愛離方自此迴望獨躊躇

遊廢觀

楊炯

青嶂倚丹田荒涼數百年猶如小山桂尚識大  
羅天藥敗金爐火苔昏玉女泉歲時無壁畫朝  
夕有階煙花柳三春節江山四望懸悠然出塵  
網從此狎神仙



和輔先入昊天觀

楊炯

遁甲爰皇里星占太乙宮  
天門開奕奕佳氣鬱  
葱葱碧落三乾外黃圖四海中  
邑居環若水城闕抵新豐  
玉檻崑崙側金樞地軸東  
上真朝北斗元始詠南風  
漢君祠五帝淮王禮八公道書  
編竹簡靈液灌梧桐草茂瓊塔綠  
花繁寶樹紅石樓紛似畫地鏡  
森如空桑海年應積桃源路  
不窮黃軒若有問三月住崆峒

和劉侍郎入隆唐觀

楊炯

福地陰陽合仙都日月開  
山川臨四險城樹隱三臺  
伏檻排雲出飛軒遶澗迴  
參差凌倒影瀟灑軼浮埃  
百果珠爲實羣峰錦作苔  
懸蘿暗疑霧瀑布響成雷  
方士燒丹液真人泛玉杯  
還如問桃水更似得蓬萊  
漢帝求仙日相如作賦才  
自然金石奏何必上天台

春晚從李長史遊開道林故山

駱賓王

幽尋極幽壑春望陟春臺  
雲光棲斷樹靈影入



仙杯古藤依格上野徑約山隈落葉翻風去流  
鶯滿樹來興闌荀御動歸路起浮埃

冬日野望

駱賓王

故人無與晤安步陟山椒野靜連雲捲川明斷  
霧銷靈巖聞曉籟洞浦漲秋潮三江歸望斷千  
里故鄉遙勞歌徒自奏客魂誰爲招

春日江津遊望

杜審言

旅客搖邊思春江弄晚晴煙銷垂柳弱霧捲落  
花輕飛棹乘空下回流向日平鳥啼移幾處蝶

舞亂相迎忽歎人皆濁隄防水至清谷王常不  
讓深可戒中盈

王屋山第之側雜構小亭暇日與羣公

同遊

李嶠

桂亭依絕巘蘭榭俯迴谿綺棟魚鱗出雕甍鳳  
羽栖引泉聊漲沼鑿磴且通蹊席上山花落簾  
前野樹低弋林開曙景釣渚發晴霓狎水驚梁  
鴈臨風聽楚雞復看題柳葉彌喜蔭桐圭

入峭峽安居谿伐木谿源幽邃林嶺相



映有奇致焉

陳子昂

肅徒歌伐木驚檝漾輕舟靡迤隨迴水潺湲汭  
淺流煙沙分兩岨露島夾雙洲古樹連雲密交  
峰入浪浮巖潭相映媚谿谷屢環周路迴光逾  
逼山深與轉幽麝麗寒思晚猿鳥暮聲秋誓息  
蘭臺策將從桂樹遊因書謝親愛千歲覓蓬丘

夜遊

見搜玉集

沈佺期

今夕重門啓遊春得夜芳月華連畫色燈影雜  
星光南陌青絲騎東鄰紅粉妝管絃遙辨曲羅

綺暗聞香人擁行歌路車攢鬪舞場經過猶未  
已鐘鼓出長楊

從崇山向越當

并序

沈佺期

按九真圖崇山至越當四十里杉谷起古崇  
山竹谿從道明國來於崇山北二十五里合  
水歛缺藤竹明昧有三十峰夾水直上千餘  
仞諸仙窟宅在焉

朝發崇山下暮坐越當陰西從杉谷度北上竹  
谿深竹谿道明水杉谷古崇岑差池將不合續



繞復相尋桂葉藏金嶼藤花閉石林天窓虛的  
的雲竇下沈沈造化功偏厚真仙跡每臨豈徒  
探怪異聊欲緩歸心

遊禹穴廻出若邪

宋之問

禹穴今朝到邪溪此路通著書聞太史鍊藥有  
仙翁鶴往籠猶掛龍飛劍已空石帆搖海上天  
鏡落湖中水底寒雲白山邊隊葉紅歸舟何處  
晚日暮使樵風

泥谿

王勃

弭棹凌奔壑低鞭躡峻岐江濤出岸險峰磴入  
雲危溜急船文亂巖斜騎影移水煙籠翠渚山  
照落丹崖風生蘋浦葉露泫竹潭枝泛水雖云  
美勞歌誰復知

出境遊山二首

王勃

源水終無路山阿若有人驅羊先動石走兔欲  
投巾洞晚秋泉冷巖朝古樹新峰斜連鳥翅磴  
疊上魚鱗化鶴千齡早元龜六代春浮雲今可  
駕滄海自成塵



又

振翮凌霜吹正月佇天濤為鏢凌翠壑飛軫控  
青岑巖深靈竈沒澗毀石渠沈宮闕雲間近江  
山物外臨玉壇棲暮夜珠洞結秋陰蕭蕭離俗  
影擾擾望鄉心誰意山遊好屢傷人事侵

初唐彙詩卷第五十四

四唐彙詩五十四

初唐彙詩卷第五十五

四唐彙詩五十五

新都

吳勉學 采輯

江如晏 校次

五言排律

遊燕

敬和崔尚書大明朝堂雨後望終南山

見示之作

蘇頲

奕奕輕車至清晨朝未央未央在霄極中路視  
咸陽委曲漢京近周迴秦塞長日華動涇渭天



翠合岐梁五丈旌旗色百層粉椽光東連歸馬  
地南指鬪雞場晴壑照金祀秋雲含璧瑋由余  
窺霸國蕭相奉興王功役隱不見頌聲存復揚  
權宜珍構絕聖作寶圖昌在德期巢燧居安法  
禹湯冢卿才順美多士賦成章價重三臺俊名  
超百郡良焉知掖垣下陳力自迷方

奉和吏部崔尚書雨後大明朝堂望南

山

張九齡

迢遞終南頂朝朝闐闔前謁來青騎外高在翠

微先雙鳳褰爲闕羣龍儼若仙還知到玄圃更  
是謁甘泉夜雨塵初滅秋空月正懸詭容紛入  
望霽色宛成妍東極華陰踐西彌嶓冢連奔峰  
出嶺外瀑水落雲邊漢帝宮將苑商君陌與阡  
林華鋪近甸煙靄遶晴川旣庶仁斯及分憂政  
已宣山公啓事罷吉甫頌聲傳濟濟金門步洋  
洋玉樹篇徒歌雖有屬清越豈同年

與弟遊家園

張九齡

定省榮君賜來歸是晝遊林鳥飛舊里園果讓



新秋枝長南庭樹池臨北澗流星霜屢屢爾別蘭  
麝爲誰幽善積家方慶恩深國未酬棲棲將義  
動安得久情留

城南隅山池春中田表二公盛稱其美  
夏首獲賞果會夙言故有此詠

張九齡

憶昨聞佳境駕言尋昔蹊非唯初物變亦與舊  
遊睽幽渚爲君說清晨卽我携途深獨睥睨歷  
險共攀躋林筍苞青籜津楊委綠萸荷香初出

浦草色復緣堤樂處將鷗狎譚端用馬齊且言  
臨海郡兼話武陵谿異壤風煙絕空山巖徑迷  
如何際朝野從此待金閨

嘗與大理丞袁公大府丞田公偶詣一  
所林沼尤勝因並坐其次相得甚歡遂  
賦詩焉以詠其事

張九齡

方駕與吾友同懷不異尋偶逢池竹處便會江  
湖心夏近林方密春餘水更深清華兩輝映閒  
步亦窺臨蘋藻復佳色鳧鷖亦好音韶芳媚洲



初唐書詠 卷五十五  
渚蕙氣襲衣襟蕭散皆爲樂徘徊從所欽謂予  
成夙志歲晚共抽簪

同崔員外溫泉宮卽事

郭泐

輦路移雙闕宸遊整六師天迴紫微座日轉羽  
林旗霜氣寒戈戟軍容壯虎貔弓鳴射鴈處泉  
煖躍龍時惠化成觀俗謳謠入賦詩同歡王道  
盛相與詠雍熙

鄭郎中山亭

崔翹

篆筆飛章暇園亭染翰遊地奇人境別事遠俗

塵收書閣山雲起琴齋澗月留泉清鱗影見樹  
密鳥聲幽杜馥熏梅雨荷香送麥秋無勞置驛  
騎文酒可相求

和李右相賞會昌林亭

孫逖

賢相初陪蹕靈山本降神作京雄近縣開閣寵  
平津地勝林亭好時清宴賞頻百泉榮草木萬  
井布郊畛德與春和盛功將造化隣還嗤渭濱  
叟歲晚獨垂綸

遊洞庭湖

張說



平湖曉望分仙嶠氣氛氳鼓柁乘清渚尋峰弄  
白雲江寒天一色日靜水重紋樹坐參猿嘯沙  
行人鷺羣緣源斑篠密胷徑綠蘿紛洞穴傳虛  
應楓林覺自薰雙童有靈藥願取獻明君  
晚憇王少府東閣  
張九齡  
披軒肆流覽雲壑見深重空水秋彌淨林煙晚  
更濃坐隅分洞府簷際列羣峰窈窕生幽意參  
差多異容還慙大隱跡空想列仙蹤賴此昇攀  
處蕭條得所從

和騫右丞省中暮望

楊炯

故事閒臺閣仙門藹已深舊章窺複道雲幌肅  
重陰玄律葭灰變青陽斗柄臨年光搖樹色春  
氣繞蘭心風響高窓度流痕曲岸侵天明總樞  
轄人鏡辨衣簪日暮南宮靜瑤華振雅音

岳州西城

張說

水國何遼曠風波遂極天西江三紀合南浦二  
湖連危堞臨清境煩憂暫豁然九圍觀掌內萬  
象閱眸前日去長沙渚山橫雲夢田汀葭變秋



色津樹入寒煙簪穴探靈詭浮生揖聖仙至人  
今不見跡滅事空傳

奉和馬常侍寺中之作 蘇頌

怨暑時云謝愆陽澤暫偏鼎陳從祀日鑰動問  
刑年絳服龍雩寢玄冠馬使旋作霖期傳說爲  
旱聽周宣河嶽陰符啟星辰暗檄傳浮涼吹景  
氣飛動灑空煙颯颯將秋近沈沈與暝連分湍  
涇水石合潁雍州田德施超三五文雄賦十千  
及斯何以樂明主敬人天

山莊休沐

盧照隣

蘭署乘閒日蓬扉狎遁棲龍柯踐玉井鳳葉下  
金堤川光搖水箭山氣上雲梯亭幽聞唳鶴窻  
曉聽鳴雞玉軫臨風奏瓊漿映日携田家自有  
樂誰肯謝青谿

山林休日田家

盧照隣

歸休乘暇日饁稼返秋場徑草疏王篲巖枝落  
帝桑耕田虞訟寢鑿井漢機忘戎葵朝委露齊  
棗夜含霜南澗泉初列東籬菊正芳還思北窓



下高卧偃羲皇

過東山谷口

盧照隣

不知名利險辛苦滯皇州始覺飛塵倦歸來事  
綠疇桃源迷處所桂樹可淹留跡異人間俗禽  
同海上鷗古苔依井被新乳傍崖流野老堪成  
鶴山神或化鳩泉鳴碧澗底花落紫巖幽日暮  
食龜殼天寒御鹿裘不辨秦將漢寧知春與秋  
多謝青谿客去去赤松遊

初夏日幽莊

盧照隣

聞有高蹤客耿介在幽莊林壑人事少風煙鳥  
路長瀑水含秋氣垂藤引夏涼苗深全覆隴荷  
上半侵塘釣渚青鳧沒村田白鷺翔知君振奇  
藻還嗣海隅芳

岳州夜坐

張說

炎洲苦三伏永日卧孤城賴此閑庭夜蕭條夜  
月明獨歌還大息幽感見餘聲江近鶴時叫山  
深猿屢鳴息心觀有欲棄知返無名五十知天  
命吾其達此生



春朝閒步

楊師道

休沐乘閒豫，清晨步北林。  
池塘藉芳草，蘭芷襲幽衿。  
霧中分曉日，花裏弄春禽。  
野逕香恒滿，山階筍屨侵。  
何須命輕蓋，桃李自成陰。

郡內閒齋

張九齡

郡閣晝常掩，庭蕪日復滋。  
簷風落鳥毳，窓葉掛蟲絲。  
拙病宦情少，羈閒秋氣悲。  
理人無異績，爲郡但經時。  
唯有江湖意，沈冥空在茲。

南山下舊居閒放

張九齡

祗役已云久，乘閒返復初。  
塊然屏塵事，幽獨坐林間。  
清曠前山遠，紛喧此地踈。  
喬木凌青靄，脩篁媚綠渠。  
耳和繡翼鳥，目暢錦鱗魚。  
寂寞心還間，飄颻體自虛。  
興來命旨酒，臨罷閱仙書。  
但樂多幽意，寧知有毀譽。  
尚想爭名者，誰云要路居。  
都忘下流歎，傾奪竟何如。

和石侍御山莊

楊炯

煙霞非俗宇，巖壑只幽居。  
水浸何曾缺，荒郊不復鋤。  
影濃山樹密，香淺澤花踈。  
澗壑防斜徑，平



堤夾小渠蓮房若箇實竹節幾重虛蕭然隔城  
市酌醴焚枯魚

奉和聖製寒食作應制

張說

寒食春過半花穠鳥復嬌從來禁火日會接清  
明朝鬪敵雞殊勝爭毬馬絕調晴空數雲點香  
樹百風搖改木迎新燧封田表舊燒皇情愛嘉  
節傳曲與簫韶

初夏

太宗

一朝春夏改隔夜鳥花遷陰陽深淺葉曉夕重

輕煙暝鶯猶響殿橫絲正網天珮高蘭影接綬  
細草紋連碧鱗驚棹側玄燕舞簷前何必汾陽  
處始復有山泉

九成宮秋初應詔

劉禕之

帝圃疏金闕仙臺駐玉鑿野分明鸞岫路接寶  
雞壇林樹千霜積山宮四序寒蟬急知秋早鶯  
踈覺夏闌怡神紫氣外凝睇白雲端舜海詞波  
發空驚遊聖難

九月九日

高宗



端居臨玉辰初律啓金商鳳闕澄秋色龍闈引  
夕涼野靜山氣歛林疎風露長砌蘭虧半影巖  
桂發全香蒲葢荷凋翠圓花菊散黃揮鞭爭電  
烈飛羽亂星光柳空穿石碎弦虛側月張怯猿  
啼落岫驚鴈斷分行斜輪低夕景歸旆擁通莊

奉和九月九日應制

賀敞

商飈凝素籥玄覽賁黃圖曉霜驚斷鴈晨吹結  
相鳥寒花低岸菊涼葉下庭梧澤宮申舊典相  
圃叶前模玉砌分離戟金溝轉鏤獸帶星飛夏

箭映月上軒弧慶展簪裾洽恩融雨露濡天文  
發丹篆寶恩掩玄珠承懽徒聳抃負施竊忘軀

奉和夏日晚景應詔

楊師道

輦路夾垂楊離宮通建章日落橫峰影雲歸起  
夕涼雕軒動流吹羽蓋息廻塘薤草生還綠殘  
花落尚香青巖類姑射碧澗似汾陽幸屬無爲  
日歡娛方未央

奉和幽山雨後應令

虞世南

蕭城隣上苑黃山通桂宮雨歇連峰翠煙開竟



野通排虛翔戲鳥跨水落長虹日下林全暗雲  
收嶺半空山泉鳴石澗地籟響巖風

初唐彙詩卷第五十五

四唐彙詩五十五

初唐彙詩卷第五十六

四唐彙詩五十六

新都

吳勉學

采輯

江晏如

校次

五言排律

紀行

過温湯

一作太宗按初學記當作高宗

高宗

温渚停仙蹕豐郊駐曉旌路曲迴輪影巖虛傳  
漏聲暖溜驚湍駛寒空碧霧輕林黃疎葉下野  
白曙霜明眺聽良無已煙霞斷續生



奉和聖製過温湯

越王貞

鳳輦騰宸駕，驪籞次乾遊。  
坎德踈温液，山隈派暖流。  
寒氛空外擁，蒸氣沼中浮。  
林凋帷影散，雲斂葢陰收。  
霜郊暢玄覽，參差落景遒。

又

王德貞

握圖開萬寓，屬聖啓千年。  
驪阜疏緹騎，驚鴻映綵旃。  
玉霜鳴鳳野，金陣藻龍川。  
祥煙聚危岫，德水溢飛泉。  
停輿輿睿覽，還舉大風篇。

又

鄭義貞

洛川方駐蹕，豐野暫停鑿。  
湯泉恒獨涌，温谷豈知寒。  
漏鼓依巖畔，相風出樹端。  
嶺煙遙聚草，山月迴臨鞍。  
日用誠多幸，天文遂仰觀。

又

楊思玄

豐城觀漢迹，温谷幸秦餘。  
地接幽王壘，塗分鄭國渠。  
風威肅文衛，日彩鏡雕輿。  
遠岫凝氛重，寒叢對影踈。  
迴瞻漢章闕，佳氣滿宸居。

奉和聖製早度蒲津關

張說

蒲坂橫臨晉，華芝曉望秦。  
關城雄地險，橋路扼



天津樓映行宮日隄含宮樹春黃雲隨寶鼎紫  
氣逐真人東詠唐虞跡西觀周漢塵山河非國  
寶明主愛忠臣

又

張九齡

魏武中流處軒皇問道迴長堤春樹發高掌曙  
雲開龍負王舟渡人占仙氣來河津會日月天  
仗役風雷東顧重關盡西馳萬國陪還聞股肱  
郡元首詠康哉

又

徐安貞

仙掌臨秦甸虹橋闢晉關兩都分地險一曲渡  
河灣路得津門要時稱古戍閑城花春正發岍  
柳樹堪攀後乘猶臨水前旌欲換山長安迴望  
日宸御六龍還

奉和聖製途中經華岳應制

張說

西嶽鎮皇京中峰入太清玉鑿重嶺應緹綺薄  
雲迎霽日懸高掌寒空類削成軒遊會神處漢  
幸望仙情舊廟青林古新碑綠字生羣臣願封  
岱還駕勒鴻名



又

蘇頌

朝望蓮花嶽神心就日來晴觀五千仞仙掌拓  
山開受命金符叶過祥玉瑞陪霧披乘鹿見雲  
起馭龍迴偃樹枝封雪殘碑石冒苔聖皇惟道  
契文字勒巖隈

又

張九齡

萬乘華山下千巖雲漢中靈居雖宵密睿覽忽  
玄同日月臨高掌神仙仰大風攢峰勢岌岌翊  
輦氣雄雄揆物知幽贊銘勲表聖衷會應陪玉

檢來此告成功

奉和聖製爰因巡省途次舊居應制

張說

葱鬱興王郡殷憂啓聖圖周成會西土漢武幸  
南都歲卜鑿輿邁農祠鴈政敷武威稜外域文  
教靡中區警蹕干戈捧朝宗萬玉趨舊藩人事  
革新化國雄殊壁有真龍畫庭餘鳴鳳梧叢觴  
祝堯壽合鼎獻湯厨陽樂寒初變春恩蟄更蘇  
三者頒命服五稔復田輸君賦大風起人歌湛



露濡從臣觀玉葉方願紀靈符

又

蘇頌

潞國臨淄邸天王別駕輿出潛離隱際小往大  
來初東陸行春典南陽卽舊居約川星罕駐扶  
道日旂舒雲覆連行在風迴助掃除木行城邑  
望臯落土田疏昔試邦興后今過俗後予示威  
寧校獵崇讓不陳魚府吏趨宸扈鄉耆捧帝車  
帳傾三飲處閑整六飛餘盛業銘汾鼎昌期應  
洛書願陪歌賦未畱比蜀相如

將赴朔方軍應制

張說

禮樂逢明主韜鈴用老臣恭憑神武策遠御鬼  
方人供帳榮恩餞山川喜詔巡天文日月麗朝  
賦管絃新幼志傳三略衰材謝六鈞膽猶忠作  
伴心故道爲鄰漢保河南地胡清塞北塵連年  
大軍後不日小康辰劍舞輕離別歌酣忘苦辛  
從來思博望許國不謀身

扈從南出雀鼠谷

張說

豫動三靈贊時巡四海威陝關凌曙出平路半



春歸霍鎮迎雲罕汾河送羽旂山南柳半密谷  
北草全稀遲日宜華蓋和風入袷衣上林千里  
近應見百花飛

扈從登封告成頌應制

御路迴中嶽天營接下都百靈無後至萬國競  
前驅文衛嚴清蹕幽仙讀寶符貝花明漢果芝  
草入堯厨濟濟衣冠會喧喧夷夏俱宗裡仰神  
理刊木望川途撫已貧非病時來本不愚願陪  
丹鳳輦率舞白雲衢

扈從出長安應制

杜審言

分野都畿列時乘六御均京師舊西幸洛道此  
東巡文物驅三統聲明走百神龍旗縈漏夕鳳  
輦拂鈎陳撫迹地靈古游情皇鑒新山追散馬  
日水憶鈞魚人禹食傳中使堯樽遍下臣省方  
稱國阜閭道識風淳歲晚天行吉年豐景從親  
歡娛包歷代宇宙忽疑春

又

沈佺期

漢宅規模壯周都景命隆西賓讓東主法駕幸



天中太史占星應春官奏日同旌門起長樂帳  
殿出新豐翕習黃山下紆徐清渭東金麾張畫  
月珠幘戴相風是節嚴陰始寒郊散野蓬薄霜  
沾上路殘雪繞離宮賜帛矜耆老褰旒問小童  
復除息載洽望秩禮新崇臣忝承明召多慙獻  
賦雄

奉和展禮岱宗塗經濮濟 蕭楚材

拂漢星旗轉分霄日羽明將追會阜跡更勒岱  
宗銘林戈咽濟岸獸鼓震河庭葉箭凌寒矯烏

弓望曉驚已降汾水作仍深迎渭情

又

薛克構

龍圖冠胥陸鳳駕指云亭非煙泛濟浦綠字啓  
河汀畫裳晨應月文戟曙分星四田巡揖禮三  
驅道契經行欣奉萬歲竊抃偶千齡

蒲津迎駕

宋璟

回鑾下蒲坂飛旆指秦京雒上黃雲送關中紫  
氣迎霞朝看馬色月曉聽雞鳴防拒連山險長  
橋壓水平省方知化洽察俗覺時清天下長無



事空餘襟帶名

和李大夫嗣真奉使存撫河東

杜審言

六位乾坤動三微曆數遷謳歌移火德圖讖在金天子月開階統房星受命年禎符龍馬出寶籙鳳皇傳地卽交風雨都仍卜澗瀍明堂唯御極清廟乃尊先不宰神功運無爲大象懸八荒平物土四海接人煙已屬羣生泰猶言至道偏璽書傍問俗旌節近推賢秩比司空位官臨御

史員推詞執刀筆直諫罷樓船國有大臣器朝加小會筵將行備禮樂送別仰神仙城闕周京轉關河陝服連稍觀汾水曲俄指降臺前姑射聊長望平陽遂宛然舜耕餘草木禹鑿舊山川昔出諸侯上無何霸業全中軍歸戰敵外府絕兵權隱隱帝鄉遠瞻瞻肅命虔西河偃風俗東壁掛星躔井邑枌榆社陵園松柏田榮光晴掩代佳氣曉侵燕雨霈鴻私滌風行睿旨宣惇嫠訪疾苦屠釣採貞堅人樂逢刑措時康洽賞延



不居真言 卷三十一  
賜踰秦氏級恩倍漢家錢擁傳咸翹首稱觴競  
比肩拜迎彌道路舞詠溢郊鄩殺氣西衡白窮  
陰北暝玄飛霜遙渡海殘月迴臨邊緬邈朝廷  
問周流朔塞旋興來探馬策俊發抱龍泉學總  
八千卷文傾三百篇澄清得使者作頌有人焉  
莫以崇班閔而云勝託捐偉材何磊落陋質幾  
翩翩江海寧爲讓巴渝轉自牽一聞歌聖道助  
曲荷陶甄

陪燕公行郡竹籬

趙冬曦

良臣乃國寶麾守去承明外戶人無閑浮江獸  
已行隨來晉盜逸民化蜀風清郭郭從藝典州  
間荷德聲小人被天渥流落巴丘城所賴中和  
作優游鑿與耕

奉使自藍田玉山南行

張九齡

征驂入雲壑始憶步金門通籍微驅幸歸途明  
主恩匪唯徇行役兼得慰晨昏是節暑云熾紛  
吾心所尊海縣且悠緬山郵日駿奔徒知惡置  
事未暇息陰論嶢武經陳迹衡湘指故園水聞



初唐彙詩卷第五十六  
南險煙望北林繁遠靄千巖合幽潭百籟喧  
陰泉夏猶凍陽景晝方暎懿此高深極徒令想  
夢存盛明期有報長徃復奚言

初唐彙詩卷第五十六

四唐彙詩五十六

初唐彙詩卷第五十七

四唐彙詩五十七

新都

吳勉學 采輯

江晏如 校次

五言排律

紀行

早行

楊炯

敞朗東方徹闌干北斗斜地氣俄成霧天雲漸  
作霞河流纒辨馬巖路不容車阡陌經三歲閭  
閻對五家露文沾細草風影轉高花日月從來



惜關山猶自賒

早發諸暨

駱賓王

征夫懷遠路夙駕上危巒薄煙橫絕壑輕凍澁  
廻湍野霧連空暗山風入曙寒帝城臨灞涘禹  
穴枕江干橘性行應化蓬心去不安獨掩窮途  
淚長歌行路難

早發淮口望盱眙

駱賓王

養蒙分四瀆習坎奠三荆徙帝留餘地封王表  
舊城岸昏涵蜃氣潮滿應雞聲洲迴連沙靜川

虛積溜明一朝從捧檄千里倦懸旌背流桐柏  
遠逗浦木蘭輕小山迷隱路大塊切勞生唯有  
貞心在獨映寒潭清

早發始興江口至虛氏村作

宋之問

候曉踰閩嶠乘春望越臺宿雲鵬際落殘月蚌  
中開薜荔搖青氣枕柳翳碧苔桂香多露裊石  
響細泉回抱葉玄猿嘯銜花翡翠來南中雖可  
悅北思日悠哉鬢髮俄成素丹心已作灰何當



首歸路行剪故園萊

早發韶州

宋之問

炎徼行應盡迴瞻鄉路遙珠厓天外郡銅柱海  
南標日夜清明少春冬霧雨饒身經大火熱顏  
入瘴江消觸影含沙怒逢人女草搖露濃看莽  
濕風颭覺船飄直禦魑將魅寧論鴟與鸚虞翻  
思報國許靖願歸朝綠樹秦京道青雲洛水橋  
故園長在目魂去不須招

早入清遠峽

宋之問

傳聞峽山好旭日棹前沂雨色搖丹嶂泉聲聒  
翠微兩巖天作帶萬壑樹披衣秋菊迎霜序春  
藤礙日輝翳潭花似織綠嶺竹成圍寂歷環沙  
浦葱蘢轉石圻露餘江未熱風落嶂初稀猿飲  
排虛上禽驚掠水飛榜童夷唱合樵女越吟歸  
良候斯爲美邊愁自有違誰言望鄉國流涕失  
芳菲

曉發興州入陳平路

蘇頌

旌節指巴岷年年行且巡暮來青嶂宿朝去綠



江春魚貫梁緣馬，猿奔樹息人。邑祠猶是漢，谿道卽名陳。舊史饒遷謫，恒情厭苦辛。寧知報恩者，天子一忠臣。

晚泊河曲

駱賓王

三秋倦行役，千里泛歸潮。通波竹箭水，輕舸木蘭橈。金堤蓮曲岍，貝闕影浮橋。水淨千年近，星飛五老遙。疊花開宿浪，浮葉下涼飈。浦荷踈晚葍，津柳漬寒條。恹惶勞梗泛，樓斷倦蓬飄。仙槎不可託，河上獨長謠。

夕次蒲類津

駱賓王

二庭歸望斷，萬里客心愁。山路猶南屬，河源自北流。晚風連朔氣，新月照邊秋。竈火通軍壁，烽煙上戍樓。龍庭但苦戰，燕領會封侯。莫作蘭山下，空令漢國羞。

晚憩田家

駱賓王

轉蓬勞遠役，披薜下田家。山形類九折，水勢急三巴。懸梁接斷岍，澁路擁崩查。霧巖淪曉魄，風溆漲寒沙。心迹一朝舛，關山萬里賒。龍章徒表



越閩俗本殊華旅行悲泛梗離贈折踈麻唯有  
寒潭菊獨似故園花

宿山莊

駱賓王

金陵一超忽玉燭幾還周露積吳臺草風入郢  
門楸林虛宿斷霧磴險掛懸流拾青非漢策緇  
化類秦裘牽迹猶多蹇勞生未寡尤獨此他鄉  
夢空山明月秋

晚渡黃河

駱賓王

千里尋歸路一葦亂平源通波連馬頰迸水急

龍門照日榮光浮驚風瑞浪翻棹唱依聞斷樵  
謳入聽喧岼迴秋霞落潭深夕霧繁誰堪逝川  
上日暮不歸魂

宿溫城望軍營

駱賓王

虜地寒膠折邊城夜拆聞兵符關帝闕天策動  
將軍塞靜胡笳徹沙明楚練分風旗翻翼影霜  
劍轉龍文白羽搖如月青山斷若雲煙疎疑卷  
幔塵滅似銷氛投筆懷班業臨戎想顧勲還應  
雪漢耻持此報明君



晚泊江鎮

駱賓王

四運移陰律三翼泛陽侯荷香銷晚夏菊氣入  
新秋夜烏喧粉堞宿鴈下蘆洲海霧籠邊徼江  
風繞戍樓轉蓬驚別渚徙橘愴離憂魂飛灞陵  
岬淚盡洞庭流振影希鴻陸逃名謝蟻丘還嗟  
帝鄉遠空望白雲浮

宿空舫峽青樹村浦

陳子昂

的的明月水啾啾寒夜猿客思浩方亂洲浦寂  
無喧憶作千金子寧知九逝魂虛聞事朱闕結

綬鴛華軒委別高堂愛窺覩明主恩今成轉蓬  
去嘆息復何言

宿讓河驛浦

陳子昂

沿流辭北渚結纜宿南洲合岬昏初夕迴塘暗  
不流卧聞塞鴻斷坐聽峽猿愁沙浦明如月汀  
葭晦若秋不及能鳴鴈徒思海上鷗天河殊未  
曉滄海信悠悠

晚憩南陽旅館

劉希夷

旅館何年廢征夫此日過途窮人自哭春至鳥



還歌行路新知少荒田古逕多池篁覆丹谷墳  
樹遶清波日照蓬陰轉風微野氣和傷心不可  
去回首怨如何

西江夜行

張九齡

遙夜人何在澄潭月裏行悠悠天宇曠切切故  
鄉情外物寂無擾中流澹自清念歸林葉換愁  
坐露華生猶有汀洲鶴宵分乍一鳴

度安海入龍編

沈佺期

我來交趾郡南與貫胷連四氣分寒少三光置

日偏尉佗會馭國翁仲久遊泉邑屋遺氓在魚  
鹽舊產傳越人遙捧翟漢將下看鳶北斗崇山  
挂南風漲海牽別離頻破月容鬢驟仲年昆弟  
推由命妻孥割付緣夢來魂尚擾愁委疾空纏  
虛道崩城淚明心不應天

入鬼門關

沈佺期

昔傳瘴江路今到鬼門關土地無人老流移幾  
客還自從別京洛頽鬢與衰顏夕宿含沙裏晨  
行岡路間馬危千仞谷舟險萬重灣問我投何



地西南盡百蠻

入瀧洲江

宋之問

孤舟泛盈盈江流日縱橫夜雜蛟螭寢晨披瘴  
癘行潭蒸水沫起山熱火雲生猿躩時能嘯鳶  
飛莫敢鳴海窮南徼盡鄉遠北魂驚泣向文身  
國悲看鑿齒氓地偏多育蠱風惡好相鯨余本  
巖棲客悠哉慕玉京厚恩常顧答薄宦不祈成  
違隱乖求志披荒爲近名鏡愁玄髮改心負紫  
芝榮運啟中興曆時逢外域清祗應保忠信延

促付神明

下桂江龍目灘

宋之問

停午出灘險輕舟容易前峰嶺入雲樹崖噴落  
江泉巨石潛山怪深篁隱洞仙鳥遊谿寂寂猿  
嘯嶺娟娟掉袂日凡幾我行途已千暝投蒼梧  
郡愁枕白雲眠

發瑤州初入西江

宋之問

問我將何去清晨泝越谿翠微懸宿雨丹壑飲  
晴霓樹影梢雲密藤陰覆水低潮回出浦駛洲



轉望鄉迷人意長懷北江行日向西破顏看鵲  
喜拭淚聽猿啼骨肉初分愛親朋忽解携路遙  
魂欲斷身辱理能齊疇日三山意于茲萬緒睽  
金陵有仙館卽事尋丹梯

發藤州

宋之問

朝夕苦遙征孤鴈長自驚泛舟依鴈渚投館聽  
猿鳴石髮緣谿蔓林衣掃地輕雲峰刻不似苔  
蘚畫難成露裊千花氣泉和萬籟聲攀幽紅處  
歇躋險綠中行戀切芝蘭砌悲纏松柏塋丹心  
江北死白髮嶺南生魑魅天邊國窮愁海上城  
勞歌意無限今日爲誰明

九江口南濟北接蘄春南與潯陽岨

蘇味道

江路一悠哉滔滔九派來遠潭昏似霧前浦沸  
成雷鱗介多潛育漁商幾沂泗風搖蜀栉下日  
照楚萍開近漱湓城曲斜吹蠡澤隈錫龜猶入  
貢浮獸罷爲災津吏揮撓疾郵童整傳催歸心  
詎可問爲視落潮迴



軍師覬旋自邕州順流舟中 李嶠

鳴鞞入嶂口汎舸歷川湄尚想江陵陣猶疑下  
瀨師舛迴帆影疾風逆鼓聲遲萍葉沾蘭槩林  
花拂桂旗弓鳴蒼隼落劍動白猿悲芳樹吟羗  
管幽篁入楚詞全軍多勝策無戰在明時寄謝  
山東妙長纓徒自欺

和杜學士旅次淮口阻風 李嶠

夕吹生寒浦清淮上暝潮迎風欲舉棹觸浪反  
停橈淼漫煙波濶參差林岼遙日沈丹氣歛天

敞白雲銷水鴈銜蘆葉沙鳧隱菰苗客行殊未  
已川路幾迢迢

入東陽峽與李明府舟前後不相及

陳子昂

東巘初解纜南浦遂離羣出沒同洲島沿洄異  
渚瀆風煙猶可望歌笑浩難聞路轉青山合峰  
迴白日曛奔濤上漫漫積水下泆泆倏忽猶疑  
及差池復兩分離離間遠樹藹藹沒遙氛地上  
巴陵道星連牛斗文孤狄啼寒月哀鴻叫斷雲



仙舟不可見搖思坐氛氲

度石門山

杜審言

石門千仞斷迸水落遙空道東懸崖半橋欹絕  
澗中仰攀人屢息直下騎纔通泥擁奔蛇徑雲  
埋伏獸叢星躔斗牛北地脉象牙東開塞隨行  
變高深觸望同江聲連驟雨日氣抱殘虹未改  
朱明律先含白露風堅貞深不憚險澁諒難窮  
有異登臨賞徒為造化功

喜度嶺

張說

東漢興唐曆南河復禹謀寧知瘴癘地生入帝  
皇州雷雨蘇蟲蟄春陽放鸞鳩洄沿炎海畔登  
降閩山陬嶺路分中夏川源得上流見花便獨  
笑看草卽忘憂自始居重譯天星已再周鄉關  
絕歸望親戚不相求棄杖枯還植窮鱗涸更浮  
道消黃鶴去運啓白駒留江妾晨炊黍津童夜  
濯舟盛明良可遇莫後洛城遊

至桃林塞作

崔湜

去國未千里離家已再旬丹心恒戀闕白首更



辭親懷璧常貽訓捐金詎得鄰抱冤非迂物罹  
詢豈由人不濫辭終辨無瑕理竟伸散還中省  
舊符與外臺新塞上同遷客江潭異逐臣淚垂  
非屬峴腸斷固由秦歲月行道盡山川難重陳  
始知亭伯去還是拙謀身

秋晚度發關

李行言

秦郊平舊險周德眷遺黎始聞清夜柝俄見落  
封泥物色來無限津途去不迷空亭誰問馬閑  
戍但鳴雞山月寒彌淨河風曉更淒贈言楊伯

起非復是關西

自始興谿夜上赴嶺

張九齡

嘗蓄名山意茲爲世網牽征途屢及此初服已  
非然日落青巘際谿行綠篠邊去舟乘月後歸  
鳥息人前數曲迷幽嶂連圻觸閭泉深林風緒  
結遙夜客情懸非梗胡爲泛無膏亦自煎不知  
于役者相樂在何年

祠紫蓋山經玉泉山寺

張九齡

指途躋楚望策馬傍荆岑稍稍松篁入泠泠磴



谷深觀竒逐幽映歷險忘嶮嶮上界投佛影中  
天揚梵音焚香懺在昔禮足誓來今靈異若有  
對神仙其可尋高僧聞逝者遠俗是初心蘇駁  
經行處猿啼燕坐林歸真已寂滅留迹豈沈湮  
法地自茲廣何云千萬金

途中

楊炯

悠悠辭鼎邑去去指金墉途路盈千里山川亘  
百重風行常有地雲出本多峰鬱鬱園中柳亭  
亭山上松客心殊不樂鄉淚獨無從

蓬萊鎮

駱賓王

旅客春心斷邊城夜望高野樓疑海氣白鷺似  
江濤結綬疲三入承冠泣二毛將飛憐弱羽欲  
濟乏輕舸賴有陽春曲窮愁且代勞

利州比佛龕前重於去歲題處作

蘇頌

重巖載看美分塔起層標蜀守經塗處巴人作  
禮朝地疑三界出空是六塵銷卧石鋪蒼蘚行  
塍覆綠條歲年書有記非爲學題橋



岳州作

張說

水國生秋草離居再及瓜山川臨洞穴風日望  
長沙物土南州異關河北信賒日昏聞怪鳥地  
熱見脩蛇遠人夢歸路瘦馬嘶去家正有江潭  
月襄徇戀九華

襄陽作

崔湜

廟堂初解印郡邸忽腰章按節巡河右鳴騶入  
漢陽城臨南峴出樹繞北津長好學風猶扇誇  
才俗未忘江山距七澤煙雨接三湘蛟浦菱荷

淨漁舟橘柚香醉中求習氏夢裏憶襄王宅壞  
仍思鳳碑存更憶羊下車慙政美閉閣幸時康  
多謝征南術于今尚不亡

塞北二首

沈佺期

虜障天驕起秦城地脈分柏壇飛五將梅吹動  
三軍鋒刃奔濤色旌旗焰火文朔風吹汗漫飄  
礫灑輶輜海氣如秋雨邊烽似夏雲二庭無歲  
月百戰有功勳形影隨魚貫音書在鴈羣歸來  
拜天子凱樂助南薰



又  
胡騎犯邊埃風從丑上來五原烽火急六郡羽  
書催水壯飛狐冷霜濃候鴈哀將軍朝授越戰  
士夜銜枚紫塞金河裏葱山鐵勒隈蓮花秋劍  
發桂葉曉旗開秘畧三軍動妖氛百戰摧何年  
投筆去終作勒銘回

塞外三首

鄭愔

塞外蕭條望征人此路賒邊聲亂朔馬秋色引  
胡笳遙嶂侵歸日長城帶晚霞斷蓬飛古戍連

鴈聚寒沙海暗雪無葉山春雪作花丈夫期報  
主萬里獨辭家

又

荒壘三秋夕窮郊萬里平海陰凝獨樹日氣下  
連營戎旆霜旋重邊表夜更輕將軍猶轉戰都  
尉不成名折柳悲春曲吹笳斷夜聲明年漢使  
返須築受降城

又

陽鳥南飛夜陰山北地寒漢家征戍客年歲在



樓蘭玉塞朔風起金河秋月團邊聲入鼓吹霜  
氣下旌竿海外歸書斷天涯旅鬢殘子卿猶奉  
使恒向節旄看

巴陵春作

張說

日出洞庭水春山掛斷霞江涔相映發卉木共  
紛華湘戍南浮閣荆關北望賒湖陰窺魍魎丘  
勢辨巴蛇島戶巢爲館漁人艇作家自憐心問  
景三歲客長沙

始安秋日

宋之問

桂林風景異秋似洛陽春晚霽江天好分明愁  
殺人卷雲山皦皦碎石水磷磷世業事廣老妙  
年孤隱淪歸歟卧滄海何物貴吾身

邊城落日

駱賓王

紫塞流沙北黃圖灞水東一朝辭俎豆萬里逐  
沙蓬候月恒持滿尋源屢鑿空野昏邊氣合烽  
迴戍煙通膂力風塵倦疆場歲月窮河流控積  
石山路遠崆峒壯志凌蒼兕精神貫白虹君恩  
如可報龍劍有雌雄



貶降至汝州廣城驛

鄭愔

近郊憑汝海遐服指江干尚憶趨朝貴方知失  
路難曙官平樂遠秋澤廣城寒岍葦新花白山  
梨晚葉丹鄉關千里暮歲序四時闌函寒雲間  
別旋門霧里看夙年追駮驥暮節仰鵷鸞疲駕  
勞垂耳騫騰詎矯翰將調梅鉉實不正李園冠  
荆玉終無玷隨珠忽已彈曉裝違鞞洛夕夢在  
長安北上頻傷阮西征未學潘傾車無共轍同  
派有殊瀾去去懷知己何由報一餐

早春邊城還歸

崔湜

大漠羽書飛長城未解圍山川凌玉障旌節下  
金微路向南庭遠書因北鴈稀鄉關搖別思風  
雪故戎衣歲盡仍爲客春還尚未歸明年征騎  
返歌舞及芳菲

還山宅

楊師道

暮春還舊嶺徙倚翫年華芳草無行逕空山正  
落花垂藤掃幽石卧柳礙浮槎鳥散茅簷靜雲  
披澗戶斜依然此泉路猶是昔煙霞







